

唐棲志卷二十

仁和王同輯

雜記

縫人裁衣亦有碎錦冶氏范器豈無屑金隨筆臚墨

捃拾舊聞誌餘之例瑣譚之文作雜記

唐棲當明季時人物繁盛士習風雅每春秋佳日結爲

詩社點綴各景不減西湖三竺兩峰也今卽詩之見

存者叙錄於左曰芳杜菱歌

徐士俊詩 蘭舟杜若香生菱葉稠

洲上名園荒廢盡歌聲譜出夕陽愁 吳鐘琰詩 芳

洲環翠瑣輕烟菱網牽絲繫釣船欸乃聲中催落日

小橋流水自潺湲 宋鷹詩 杜若芳洲勝輞川碧漪

翠菱點秋烟蓮衣欲褪難成拆菰米初沈漫自憐燈

唐棲志

雜記 卷二十

影參差村店火歌聲斷續探菱船月 厂陰漁火 徐士

明渡口遲歸去露冷風清細扣舷 浪痕細雨微風菰飯

厂陰舊圃已無存漁火依然 吳鐘琰詩 廢圃荒烟事已休

熟月明移棹過南村 吳鐘琰詩 廢圃荒烟事已休

敗荷殘芰亂汀洲 荒涼不可尋依然漁棹宿陰野

舟紅葉猶溼漉 徹蒼葭影未沈 叢葦蕭蕭動野

殘人酒氣散疎林 一樽橫倚霜蓬卧 叢葦蕭蕭動野

吟 長橋月色 徐士俊詩 武林東下是通津水面長虹

水輪 吳鐘琰詩 澄溪如練隱晴空 絕微茫山色擁

虹遠近 林巒蒼翠裏參差樓閣水雲中 朱鷹詩 百

丈長虹卧錦波宵深寒影動蛟渦層步級臨牛斗

落銀蟾滴掛薦夾岸樓垂朱箔淺中流船載管絃

過銀蟾滴掛薦夾岸樓垂朱箔淺中流船載管絃

雜還遊人醉踏歌 溪口風帆 徐士俊詩 客舟幾箇

詩 征帆一帶擁晴霞 掩映離烟樹 比蕪關 吳鐘琰

不 斷雁一行縹渺落平沙 劃破千層浪 紅蓼分開兩

輕 帆片片遠溪斜 白蘋劃破千層浪 紅蓼分開兩

霞迤遲棹歌迷野驚紆迴櫓影逐昏鴉  
永明晚鐘徐

恍披半幅瀟湘景寒雁呼蘆伴遠沙  
客眠一帶清溪

俊詩斜陽古寺暗西偏催起鐘動危樓百尺倚

雲偏鯨吼西風起暮烟杳靄數聲天際落半塘殘照

促歸船朱慶詩蕭寺鯨聲送夕陽千家燈火夜蒼

茫疎風暗遞催程急清韻微聞入夢長  
暝色敲殘烟

似雨沈更扣斷月如霜迢迢萬籟遙俱寂  
剩得洪音

出上清流高閣徐士俊詩閣中千佛傍雲霄黃鶴諸

社可相招吳鐘琰詩勢壓雄區十二樓  
我我朱碧

瞰清流當窗絕巘飛黃鶴過檻輕舸戲白鷗  
朱慶

詩千乘金碧倚清流無數奇巒入望幽僧榻  
當窗支

翠壑客帆依檻度滄洲霜楓掩映臯亭樹  
烟水迷離

茗雪秋寂靜旂檀香影塔址芙蓉吳鐘琰詩昔人成

裏幡幢颺戲溪鷗影塔址芙蓉吳鐘琰詩昔人成

今集暮鴉零落紅蕖隨逝水縱橫白骨委流沙  
宋

唐樓志卷二十雜記楓葉自飛飛最憐聲斷漁榔後  
點點青燐燄野薇北

塘夜市徐士俊詩莫嫌北岸少長廊親見三  
春夜

山翠微徐士俊詩超然溪上色翠重  
賽得南峰與

堂春曉吳鐘琰詩先賢此地已成名  
敗壁頽垣尚

顛遠眺吳鐘琰詩登臨極目古今垂楊不見舊  
啼鶯一溪

河夜泊吳鐘琰詩市門荒草沒今潮怒  
隱雲趁翠

湖秋色宋慶詩澄波激灑淨秋烟  
紆紫拖藍絕自妍

柚驕霜樹冷渚蘆花媚雨天誰更  
超峯雪霽宋慶詩

個中添點綴綠萼青笠釣魚船  
更

吐六花明個峰頭滴翠輕危石倚松殘  
焰冷疎梅

臨澗曉寒清亭虛鶴唳雲初斷  
徑絕人踪烟自橫安

得米顛顛筆在小西浦斜陽  
烟疎伍樹繞塘菱藕淡

窗呼凍寫新晴西浦斜陽  
烟疎伍樹繞塘菱藕淡

歸載夕陽六墓桑麻迎晚色  
伍林臺樹帶昏黃遙空

倦鳥飛將盡荒戍哀笳聲  
正長猶有暮雲遮未到一

灣 荳 水 橫 潭 漁 火 唐文蔚寅清詩小閣憑虛俯碧溪

發遙見漁燈隔岸迷明滅乍隨星影亂參差還  
逐水螢低幽然起我滄浪興鷓詠何妨到曙雞

嘉興諸生朱大輝號靜修字孟韜一字不曜隱唐栖之

青草塢嘗厲超峯一號超顛天啓乙丑讀書於子羽

處時舸閣新築遂題云閣在翠芷湖之隈南對超山

北臨官塘飽風快帆曉夕如織憑欄西眺苕上諸峯

每於斜陽外一橫黛色而雨淒月白謳起蘆汀則湖

之漁舫也拈賦四律舸閣風帆曰吳楚餘艘天外飛

每搖叢薄樹顛暉不將霞片翻澄碧便曳溪紋載翠

微豈是仙人乘鶴去得無列子御風歸 淡滄

唐棲志

雜記  
卷二十

三

洲興破浪還憑健翮揮苕峰晴眺曰 遠苕堯日暈

空肯輕出手招鴻濛除似雨洗塵千尺纔迸雲端翠

幾從挂堞多清秋曉後濃陰還隱月明中欲酬山氣

臨佳夕醉眼何如醒曉風超山曉望曰亥對相看作

客頻樓居今復見山親烟餘落翠隨時好霧醒空峯

到曉眞蕩漾雲痕浮大谷初籠日彩赭棲津湖巒苕

岫都開靦誰似朝來爽逼鄰翠湖漁父曰百頃汪洋

注翠湖奔流天目此旋鋪兼葭人近停雲邈簔笠翁

曾釣雪無數葉破烟爭網漢亂聲淒月夜歌蘇得漁

桑市前津換半飽新蠶半飽鷓何東甫輯志畧改翠

湖漁父題爲翠紫湖且改其首句曰百頃汪洋翠紫

湖遂使詩不如題非復廬山真面抑知朱詩固專咏

漁父非泛賦湖景者

韓琴溪應潮有續棲溪二十四景曰福王莊春社府志唐棲

河之干有福王莊傳經堂懷古卓亮庵建海雲洞摩崖 芳

杜洲蹋青即卓月波水上園伍林頭風帆 佛日徑松濤

馬鞍山鬥麗清明至立夏婦女往曹將軍廟進香云可免瘡癩一曲水

流觴汪氏祠內碧天橋香市 八角亭吳歛即塔基

翠芷湖菱歌 水一方秋月卓亮庵重葺泗水庵梅訊

有天然泉十里梅花普寧寺牡丹相傳于忠肅公手植化城庵宋井

唐棲志 卷二十 雜記 四

趙松雪書井闌依綠園芍藥 第一峯望海超山絕頂竹素

堂品石姚氏祠內三層樓看雲即古毘盧閣放生池納

涼超山倒影處宏澄潭水嬉清明次日流水閣觀漁廠陰書屋

東偏放生池上丁山湖盧橘 浣金潭蘆雪游平章宅外蓋繼

迹前人摘取棲上勝景標幟爲題以徵詩詩鮮傳者

其徵詩引曰蓋聞西冷唱和雅傳山水之奇南宋詠

歌多人輜軒之錄棲溪則境開泥馬水續金牛芳草

王莊時舉賽春之社桃花古洞人嬉競渡之舟拾翠

芷而波漾鴨頭渺碧天而橋排雁齒呂水山有碧天秋水渺之句

三層樓外極蒼翠兮看雲第一峰頭踞嶙峋以望海

超山第一峯有石筍石魚諸勝南望之江一綫如在檻外 化城井古溯淳祐則篆

箸元年雲洞泉生撫摩厓則名留二趙海雲洞有宋忠獻清獻二

公禱雨卓氏啓傳經之室講學者宅似康成泗水關

煮茶之庵聯咏則人和靖丁西軒邵端峯諸先達有煮茶步韵詩丁

山湖畔枇杷壓萬樹之金乙未亭邊楊柳映三分之

水橋名三分固已摹圖畫於殘山賸水尋碑碣於斷井頽

垣低徊往事棖觸興懷者矣况夫亭留八角水在一

方水一方卓氏園也芳杜尋洲流水登閣卓氏芳杜洲張子羽流水長者閣

新荷夏初丹桂秋早楚唱吳歛而往復波光月影以

徘徊獨山泛棹之時三篙錦浪佛日怡雲之徑十里

唐棲志

雜記 卷二十

梵聲池曲風生何必灣尋銷夏閣中雪霽最宜賦試

登樓以及一曲流觴之水半畝品石之區或游心兮

竹素或讀書於柳堂胡休復庶常箸書處芍藥則依綠名園牡

丹則普寧問寺凡斯古迹筆不勝搜策杖閒尋放舟

偶涉有不撫煙景以流連對名花而躑躅者哉僕溷

跡漁樵耽情詩酒唱余和汝應有同聲即景言懷不

無素志張亞蘭百言之序張晴厓刺史一字亞蘭主人有十景詩序所願

效嘖呂翼令十詠之詩不辭引玉登高作賦如晤古

人伐木求聲還須吾友敢陳蕪語仁聽金聲從此刻

燭賭吟彌永蘭亭之趣賞花煮酒行繼舸閣之唵重

尋紅粉之溝同賦白雲之調

唐棲四達之區過客託足多善畫者若趙子昂孟頫嚴

視公岳趙文度佐藍田叔瑛

皆詳何東甫唐  
棲志畧厲公志

俱以畫

名於時而卓爾昌復有畫髓元銓之作其人習風雅

每擅丹青雖不以畫名而出其餘技亦自勝人者若

卓心華呂水山其尤著也心華爲嘉靖辛酉舉人嗜

畫喜繪青綠山水水山則山情水韻欲從紙上躍出

或一菜一果潛飛小品宛有生趣然不喜爲人作操

金求者勿與也偶見友爲炭餅者欲得之養砂便展

卷數丈易之故有欲求畫者非多方伺其喜必不可

得性喜食齋菜偶畫秋色老少年一幅易之題云人

爲名利年少老花不憂愁老少年筆法遒勁甫持出

門而徽人以二金易之公詢知卽以二金易之其不

肯輕易書寫也如此

又有胡循蜚貞開沈淑羽洪芳張潛夫勿沈汗千士榮

者亦以繪事作遊戲筆余輯列傳並志及之而專以

畫名者則有周載之與盛淥溪二人惜事隔數百年

未知有片楮尺絹尙在人間否

周峻字載之唐棲人幼學繪事當文度移家芳杜時日

夕侍側研墨調朱仿摹孔切遂得其似今文度物故

不能起九京而索片楮各家所藏畫幅手冊每倩臨摹折枝拳石澹煙輕霧頗能亂真見棲里景物畧

盛世字溪淥錢塘安溪人徙居棲水廬呂水山廬下工寫照及神佛像水山指示之技益精遂以畫名一時胡庶常休復贈之記曰吾鄉呂水山先生通博異才微及藝事率爾造極書法精勁在二令之間畫無塵埃氣余嘗得其所寫雙柑圖枝葉扶映生氣可摘性好獎成人材凡有片長引接不倦盛世者安溪人也避仇居先生前廡盛固工寫照及神儀佛像以糊齒頰先生諦視之殊有思理一口子昭四時圖於堂

促盛至曰子能捉筆乎盛素有胆智又心屈服先生不敢迂漫應曰諾鍵戶臨染三日始成先生掀髯曰子可教也遂與語山水去就曲折草木舒結芊綿之致盛大悟筆法頓上高巒載雲層峻新霧展拓得勢由是摹東村無不東村矣摹徵仲無不徵仲矣第其自布一局自出一意則亦爲其溪淥者而已一日與余飯卓仲昌齋中是年適其六十誕期余戲謂盛君長松大椿子所自有余何以壽子盛立庭下飲泣哀咽若不自勝余怪駭之拭涕言曰余哭吾母也世先匝歲痘發熾然一一著面目瞳如覆盂母日夜舐吮

一目復開六十年留偏明于人間見日月光不至懵然作死人者皆吾母涕唾餘也母亡矣雖有目視之不見矣世何以報吾母乎公能見憐而志其痛乎世且不朽何以壽爲余猝然許之世爲人直慳無粉藻胸腹所欲言落落喉間欲吐矣居恆以孝弟忠信禮義廉耻自矢道拾遺金必還其人分與勿許也瓶無常粟需十指爲活然見人窮迫如刺心肺袖中一錢兩錢不爾卽爲解衣務期必濟無難割之色六歲就外傳善占對筆 輒作人物形祖鶴亭鍾愛之十

歲祖亡父龍橋不問生產又爲同役者欺弄家日消

落十四而父母相繼没不聊生矣夫耕于前婦播于後擔薪績麻襍作繼之僅足自立隣有怨家徙居唐西卽所稱呂先生廡下復授畫者也其畫老益精進前輩名筆皆心摹手追於戴文進更覺有微合處余嘗語之言曰畫山水不必似山水畫草木不必似草木畫之不可不似者莫如形象顧長康之益頰上三毫傳神正在阿堵則其神明感會亦不在舉體皆似矣子能爲似不能爲不似子亦不可解也余性愛邱壑窮崖極 忘其疲 當其獨往無人之野浩然而吟神散氣開時卽無形之邱壑也居苦 張綃素



以 坐卧觀玩不覺自往 無聲之詩也由有  
形而無形有聲而無聲遞轉而眇矣宗少文豈真倦  
游人哉亦曰暢神矣已子於此悟入可矣君生於嘉  
靖某年某月日今萬曆庚戌得年六十有一婦沈氏  
同其甘苦者無子果羸之負爲子生孫男一甫四歲  
初爲錢塘安溪人今爲仁和塘西人溪淥其別號也

以上  
前明

順治康熙以來唐棲善畫者有數人焉武林鍾寅曾者  
婿水北呂氏而家焉工繪事派出雲間所作枯林絕  
壑疊嶂層巒烟雲出没人爭重之家貧惟一孫業醫

唐棲志

雜記  
卷二十

九

金芥老贈詩曰今人儘有古人存進道方知技也尊  
白水蒼山董北苑春風夏雨李東垣固窮傲骨難諧  
俗似我浮名不出村更有淒涼垂老恨行年六十撫  
孤孫章元愷字又周本孟姓康熙壬戌以武進士仕  
昌平州守備筆墨澹雅酷類北苑子紹琦號印川康  
熙戊子武舉亦工山水不亞乃翁范泰字子偕工折  
枝花鳥山水小景亦佳孫芳字楚芬筆墨秀挺工花  
卉沒骨牡丹尤妙長子敬工山水喜寫秋林寒石次  
子徵字靜如綽有父風胡熙字止庵武林人徙居棲  
水工山水人物翎毛點染如仇十洲奉眞觀道士王

喬年善草蟲花鳥沒骨牡丹吳岫字學山亦奉眞觀  
羽士也喜手談及丹青師王喬年與孫楚芬折枝花  
鳥尤最陸伸字季汶號繩庵武林陸瀚之孫依其親  
居唐樓工人物愈小愈佳子斗南寫照亦工馮美叔  
筆墨澹逸所作枯林泉石不下倪迂潘瑗字維萼號  
蘧庵筆墨生動工草蟲花鳥晚年以淡墨寫意不拘  
常格而逸品絕倫嘗繪柳燕馬扶義題詩曰今年見  
新燕猶如去年見主人頭髮白轉多只有烏衣不曾  
換年去年來來不差分明記得主人家柴門大開風  
滿屋飛出飛入隨楊花君不見相國門前車馬塞一

朝事去車馬寂車馬寂草萋萋燕子還來梁上棲徐  
塙字右千徐武陵大津之曾孫也山水皴染酷似二  
米卓海觀字靜濤工寫照師事陸季汶深得其傳此  
皆乾隆以前見諸記載爲棲水善畫者類誌之可以  
續卓氏之畫髓元銓

予志周太元傳所以明毛帥之冤而嘆明社之當屋也  
今讀太元疏及毛帥諭帖猶凜凜有生氣數百年後  
有傳抄本不可不紀疏曰原任東江平遼總兵標下  
加銜遊擊臣周文煌謹奏爲逆督典刑已正故帥冤  
死堪憐謹將印信親筆諭帖抄白進呈御覽以表孤

忠以祈欽卹事臣聞忠佞不兩立故純臣有殺身以  
成仁功罪每互彰聖主懸賞罰以勵世自 發難  
遠踰一紀蕩平之績未收烽火之傳不絕其原皆起  
於賞罰之不明忠佞之未辯也臣武人不敢泛言朝  
政第委身海外事故帥毛文龍有年每見其忠肝義  
膽誓死吞胡捨身報主一片精忠不減宋之武穆無  
奈天未悔禍逆督袁崇煥結黨通 句虜入犯以圖  
歎局其碍手碍眼止有文龍一人秦檜不殺武穆則  
和議必不成崇煥不殺文龍則歎局必不就而臣帥  
之殺機伏於此矣上年六月初五日崇煥令奸黨徐

敷奏李大綱等暗設機關邀與議事朱亥之椎一擊  
晉鄙之首遂縣曾幾何時而逆 狂逞隳我名城殺  
我大將直至九廟震驚千里流血損國家多少金錢  
國家多少赤子人皆謂邊牆之失守烽火之不明而  
不知壞我萬里長城自殺毛帥始也大哉王言斬帥  
以踐 約真聖天子明見萬里矣功罪之患在不明  
賞罰之患在不果不知而不明猶有望于異日今皇  
上知崇煥之罪已賜處分四罪而天下咸服海內誦  
聖斷矣乃文龍一片忠魂猶是屯膏未卹九邊將士  
窮島孤軍延頸相望在此一舉痛思文龍不死於法

不死於敵而死於阻撓和議逆黨忘功且無論其斬級至三千七百餘顆生擒可可孤山等四百餘名及撫數十萬朝廷赤子不爲 用功績顯著卽如龍在十年不窺關龍死三月直薄城下則文龍之身繫天下安危可以想見而至今猶令其屍棺暴露于孤島風雨洊侵妻子流離於絕塞飢寒可掬何以慰孤魂于地下勸將士於巖關也哉臣故帥一腔熱血從來不以言人因臣樸誠傾心相信特手書諭帖一紙令臣徧由當路哀求接濟手澤具存但其字畫粗大不敢擅進謹抄白進呈御覽文龍報主之真心與其憂

感拮据之情皆在其內皇上一賜披覽當必惻然垂憐矣爲此謹冒萬死哀鳴聖王之前伏乞皇上帝奮乾斷特賜文龍骸骨以歸葬錄其後人世世不絕奸黨徐敷奏李大綱等設謀傾陷實爲禍魁併乞勅下法司逮問正法則駿骨市而千里爭來九鼎鑄而妖魘屏蹟以此鼓舞海內必有起爲皇上東平彝西平虜勒燕然而拂沙漠者矣臣無任激切哀懇待命之至崇禎三年十月初九日具奏奉聖旨逆督擅殺島帥罪案已定毛文龍歷年糜餉牽制無功豈得乘機借端飾稱忠義周文煌瀆奏不倫好生罔肆本當究

處念係愚弁姑饒他毛文龍身屍准與親人領埋該部知道 所錄故鎮印信諭帖曰都督府諭遊擊周文煌知悉本鎮擁孤軍於海上拮据焦勞八年來矣豈特牽制而已犁掃之着端在斯舉原非局外人所了了者但招徠者眾接濟者寡每每絕口叫呼而未之應幾經查閱之科院道臣不可問耶而騰飽之日終是無期安望其奏蕩平之效坐失事機徒增嘆息而已本鎮一點血誠惟知圖賊報國以報知遇若令彌縫世故預乞先容全家保妻子委非本鎮素心也近來往往責之以禮節未到紛紛以私意窺人捕風

捉影信纜口之囂囂欲抹殺公道則何以服人且夫關門歲費餉金伍百餘萬稍缺數月之給卽有殺撫縛鎮之譁廟堂之上豈無良心豈無耳目安可憑無根之捏而悞恢復之大計區區此身奚足爲惜但恐議論多而成功少將來釀成不可結之局反爲議論者滋愧矣本官蒿目時艱者於當道前一白之兵則減矣而東事何日能完今數雖減而兵民尙在倘每歲發餉百萬復土恢疆直易易事也仍舊如前本鎮亦付之無可奈何惟有送兵馬歸之山東抱印信還朝廷兩着之計別無所處也特諭崇禎元年十二月

初五日臣子不盡忠於國者皇天以男盜女娼報之  
此故帥硃筆親批

平顯字仲微居仲墅今其旁有村曰平宅皆平姓其裔  
也仲微有松雨軒集今附錄其松雨公樂耕賦賦曰  
平子既老步趨不良重狐邱之念思繭室之藏疆圉  
作噩自京徂杭感桑梓之敬止望松楸之故鄉載浮  
小翼爰俶輕裝蕤賓之律日月其望艤棹於 之  
匯流憇于三山之陽見有老翁焉植杖而芸蔭樾以  
待目光炯然內養有晦揖而叩之傾耳莫對余知其  
爲瞶者也既而軒衣張眉若有所得以視爲聽引掌

示色問余所來茲將焉適余乃改容致恭口語心畫  
以指作示告某姓籍輾而興曰是知若矣衛磻之後  
我分於石少也同志與子莫逆子登仕薦我甘伏匿  
風波一失萬里南北玄鬢變素豐瓠成瘠寒暑代謝  
倏四十易矣子尚存耶能記憶耶余聞所言展拜匍  
匐驚定拭泪終而夷憚遂從先生之杖履造仁者之  
安宅相與傾底蘊話夙昔詢其顏扁寫以胸臆乃謂  
余曰天生蒸人各有常職不揣其分徒爲物役我服  
先疇自致其力不敢告勞惰于休息若乃春土潤蒸  
膏陽動脈相厥攸宜是懇是闢播不愆期爰有佳植

時芸時耨旣茂且碩迨夫白露凝秋黃雲如織天風  
吹香穡功成積高廩多稌吾得而食輸畢納之及期  
潔蒸俾之來格絕意於鄉曲之士取樂于桑榆之域  
而吾之樂庸有極乎故揭樂耕以自厲願終素志於  
不憚也於是僮籩豆旅肴核浮以太白罰不辭百旣  
醉飽德余不知日之夕矣爲之歌曰聾如積兮道沮  
溺兮樂其天兮無鬼責兮余友之益兮翁笑啞啞授  
楮濡墨請書爲樂耕之賦而實諸壁松雨老人平仲  
微又松隱詩日東溪隱者目如電少小相違老相見  
自攜長柄斲苓鑿分得洛山雲一片誅茆結屋深翠

微青松手種今合圍穩枝密蔭蔽風日託巢眾鳥忻  
來依夢騎白鹿窮幽徑彷彿樵歌隔林聽半床金粉  
落花香一壑笙竽春醉醒老夫漂泊西南陬倏焉爲  
別三十秋國恩優許拜邱壟盍簪談笑皆白頭我生  
亦好烟霞侶萬里滇居卧松雨還當與爾尋舊盟長  
揖侯門歸仲墅永樂丁亥人日松雨老人爲松隱翁  
契友書于水竹舊居按松隱翁爲仲微之故人張景  
祥亦隱居於洛山者

呂水山需爲徐文貞門下士文貞極倚重之而水山亦  
以義相報今讀文貞送呂生詩益見其虛心愛才憂

時計事不愧相臣特阨於時勢而無可如何耳送呂  
生需往宣大詩曰呂生身長五尺餘眼底瓌偉空寰  
區戲携文章走都下相國一見驚且吁白玉之堂承  
明廬呂生不顧更西走欲結壯士誅單于腰間寶劍  
自鳴躍風雲彷彿隨馳驅人生意氣誰如此班超王  
猛真同趨方今武事漸不競患在紉綺持兵樞行間  
豈無韓與白浪寶燕石捐璠璣茲行得士願速返我  
欲以應明時須又送呂生時行還唐棲曰呂生呂生  
短且癯怪哉怪與人人殊人皆惡勞生獨否風塵遠  
涉千里途人皆爲身生又否布衣有志西吞胡我才

拙劣苦多病日夜夢想江與湖生爲大言恣激發使  
我氣作張眉鬚天王神武將士健今秋虜不窺邊隅  
我揖生言合歸去飽食魚米陪妻孥生噴不答更謂  
我明年六月當來俱呂生呂生不可測古有王猛疑  
其徒猛當亂世猶自見况遇聖主如此乎何由用生  
聽我去勇怯各得遂所圖雙江先生天下士以此試  
問當理無持杯飲生生勿怒甯死爲驥不爲駑

水山軼事頗多而可傳者莫如爲文貞致書一事保全  
文貞不爲無力好任俠而不詭於正宜文貞之引爲  
心腹也陳繼孺仲醅述呂山人事畧曰新鄭高公修



吾鄉文貞之怨其下遂有承望風旨者徐氏之族幾碎文貞作書達之文貞書不傳新鄭書則有錄者書云僕不肖昔在館閣不能奉順公意遂至參商狼疾以去暨公謝政僕乃召還僉謂必且報復也而僕實無纖芥介懷遂明告天下以不敢報復之意天下之人果亦有諒之者然而人情莫測各有攸存或怨公者則欲僕陰爲報復之實或怨僕者則假僕不忘報復之名或欲收功于僕則云將甘心於公或欲收功於公則云有所調停於僕然而皆非也僕之意蓋未甚明也古云無徵不信前者地方官奏公家不法事

至僕實惻然謂公以元輔家居豈宜遂有此也且兔死狐悲不無傷類之痛故其間情可疑法未合者悉從開釋亦既行之矣則僕不敢報復之意亦既有徵亦可見信於天下矣蓋雖不敢廢朝廷之法以德報怨實不敢借朝廷之法以怨報怨也念昔僕典試時常以試題致先帝疑公爲解護僕心實感之當公不悅僕時曾明告之公公卽仇我然解先帝疑一節終不敢忘必當報効曹公而去言猶在耳公不記憶之耶夫旣得以取信于天下則可有辭于門下故敢奉書布區區之意今而後願與公分棄前惡復修舊好

無使借口者得以鼓弄其間則不惟彼此之幸實國家之幸縉紳大夫之幸丈夫一言至死不易皇天后土所實共鑒惟公諒之不宣是時文貞之客曰呂需號水山唐棲人老而負俠骨公嘗僞爲徐使者持文貞書面謁新鄭新鄭與之酒食不敢以勺粒下口哀動泣號訴達于新鄭之內夫人乳媪以下無不感動垂涕者皆爲文貞潛辭之而新鄭之意亦且倦矣或曰得需力也

呂水山製安平車製法不傳或云設機關以行止者然唐棲無坦道曷可行車卓子明卿爲作安平車記其

畧曰呂山人製安平車成且銘之乘以過卓子芳杜洲卓子迓山人適漁者艤榜洲澣竊睨山人復睨山人車三復車銘踟躕而去他日漁者揖卓子曰往輿而訪子者顏古而雅逍遙以適殆異人耶卓子異漁者問異其識山人意蓋隱者謂曰子若知人乎此呂山人也山人嘗待次臚卿棄弗顧弁髦軒冕蒙莊其徒歟殊輻異轂以爲車任厥天吾故與之游漁者曰有是哉願悉聞山人卓子曰吾謂山人蒙莊徒者易辨耳山人齟齬嗜姬孔書慷慨有大節耻溷閭閻間去遊成均六館士異之乃更歷九邊四溟陟華巔窮

河源蹟殆遍盡友瀛寰士卽羽人釋子上下其議必  
爲授其肯綮乃寰海士異之由是山人名當世山人  
齒幾艾恍然嘆曰道在是矣須榮名何迺匿軌山中  
爲篇什無論音律蓋不役心于名工篆籀書畫各臻  
妙境則又嘆曰含毫和墨奚矻矻邪亦稍屏去日與  
二三同志譚學遠近人士歸之片言幾道一行協義  
必盛譽不實口山人學無不充天文地理經世宏畧  
變常密謀人負術來將困山人山人徐一言理晰機  
順獨行洽聞士雖窮僻不間暑寒往訊之其取善類  
如此不知者或病其迂詆其激於戲蘭孤而蕭艾弗

薙鵠咽而烏鳶四喧亦悲矣然亦無損山人也山人  
玄寂淵默橫逆至不驚擾卽訕詈以面者理遣之泊  
如也生平未始責人嗔惡人俗好媒孽短長人山人  
弗之非亦弗之徇俗以不忤子欲觀山人觀車若銘  
山人果天適者以是觀山人得矣漁者唯唯而去值  
山人于洲山人停車漁者倚舷相與質卓子言各爲  
絕倒卓子叙而記其車漁者喜爲之歌以足車銘詞  
曰弗馳弗驅匪軒匪輕中黃外旅去險就夷居極其  
安運殊其機清塵不飛其庶乎仙人之雲輶乎詞竟  
相盼而笑山人返車卓子掩廬漁者鼓棹而去莫知

其所之又山人能作小木馬放於桌上行動如飛大  
得木牛流馬之遺法安平車亦是此意

水山之兄名坤號北野事佚勿傳子似野有父風遍交  
當世士工詩而無專集景物畧輯有似野贈言皆卓  
卓一時者今節錄之衡山文徵仲贈詩曰而翁北野  
擅聲華令子才情亦稱家偃息仍分黃犢草釣遊還  
伴白鷗沙天連平楚孤雲渺秋滿寒原落照斜目斷  
長空心共遠此生歸宿豈無涯玄同張袞贈詩曰水  
國萍踪一繫船登堂把臂共歡然談看吐氣三千丈  
交憶垂髫二十年錯落風雲珠履滿爛斑星斗羽觴

唐棲志

雜記  
卷二十

二十

傳此回相見休忘卻倒我玉山黃菊邊靈墟張鳳翼  
贈詩曰三年懷楚調一水隔吳關碧海栖霞樹青天  
朗玉山逸情平埜曠幽意廣川間安得移蘭楫傾樽  
期解顏幼海周天球贈詩曰習懶捐綸釣交疎息往  
還故人勞遠念枉駕得相扳山水憐同調風塵慰別  
顏園葵秋可薦駐屐且林間又曰川途渺渺涉風湍  
落照停橈問呂安遠興正逢春後雪故情聊贈澤中  
蘭燒燈水市星俱爛罷酒林堂夜已闌形外論交誰  
古道囊琴欲發爲君彈

時元旦  
海訪公

三橋文彭贈詩曰

廿載交游父子間吳山越嶠幾盤桓浮雲白日關幽

興翠柏蒼松本歲寒豹隱當年曾下榻虎邱今日共

憑欄扁舟只隔盈盈水悵望南天更渺漫水文嘉

贈詩日濶別經幾歲有懷殊未酬聊憑水墨興寫得

亂山秋古樹懸藤合蒼崖界玉流題詩相問訊應否

憶吳州

文水因久不通音  
問故寫畫達意

隆池彭年贈詩曰一徑松

陰轉翠微雙崖苔壁俯淵扉雲藏山色龍宮出香墜

天花鳳剝巍高士琴臺塵外賞仙姬環珮月中歸知

君夙抱烟霞癖海湧探奇興不違

時公遊虎邱題寄

吳門袁

尊尼贈詩曰爲別逾三載相逢值九秋感茲黃葉落

睽彼白駒留振屐湖濱嶼捫蘿郭外邱分携那復爾

唐棲志

雜記  
卷二十

二十一

清夢戀同遊聞說棠溪隱桑陰十畝肥平濤通海潤

交樾翳林霏世業藏書在游踪放鶴歸江千送君處

心逐片帆飛西室王穀祥贈詩曰浙中今古多才彥

喜見名家有後人溫潤襟懷同白玉清修睂宇炤青

春從知東箭書稱美始信南鏐世所珍何以贈君何

以處伫看鷗鷺奮秋旻高陽許初贈詩曰九月十月

菊爛黃懷人恨阻天一方君能步履問蓬葦我適登

臺吟鳳皇無緣面晤傾百斗只擬興盡迴孤航應念

歸來貂已敝寄將纖纈故欺霜

時公過吳高陽適滯金陵

丁藥園彭丁弋雲景鴻丁素涵潑世偁鹽橋三丁其先

實居全漳甲申以後田廬荒廢遷居城中弋雲之詩  
畫草書尤名於時嘗赴京謁選孫宇台先生送以序  
日錢塘丁氏兄弟詩文菁藻雅重藝林其晉之諸謝  
明之皇甫乎而弋雲又兼繪事臨池之技所傳三絕  
非耶當其意致蕭託寫山水雲樹布置皴皴直在李  
唐馬遠之間而草書神俊駸駸乎欲度越羊欣梁鵠  
以前矣乃者部檄嚴促追鋒之車且不能緩旦夕恐  
此事便廢行將奈何而不然也韋應物焚香讀書亦  
稱名守王摩詰詞客畫師居然賢相遠者張芝之作  
郡父老乞判近者高士安之居官雲烟卓絕吾安見  
此事之可廢也又贈以詩曰霏霏雨雪下河梁曉唱  
驪駒戒驪驪知爾雄才堪視草不須華省薄爲郎宮  
人舊誦王褒賦女史新添荀令香我自漁樵堪作老  
幾時書禮贈青堂又寄丁飛濤詩曰喜爾金閨彥能  
爲白雪吟中原多遜席吾鄙獨披襟謝客神殊逸陳  
王怨甫深蘼蕪游子意萑萑故人心雅興憐桃葉間  
情在竹林莫言高和寡千載共知音

餘已詳  
本傳

句壘村在鎮東北十里德清縣志改爲慈孝里屬德清  
縣界土人仍呼爲句裏實句壘也相傳爲越王句踐  
營壘之所故曰句壘不見紀載無可攷矣近人頗有

吟詠者今錄之張豐王題句壘詩曰句壘城頭幾暮  
鴉昔人曾止越王車歸來冠劍功名老玉勒春風滿  
路花張子漸詩曰語兒亭畔女兒軍壁壘猶偁霸越  
文一世陰謀千古恨祇今烟莽自紛紛郭西韋詩曰  
大將功成擁節旄吳山越水等鴻毛十年伯業今何  
在懷古深情付濁醪王暉詩曰戎馬橫行白日陰破  
吳謀畫十年深祇今句壘名猶在玉帳旌旗何處尋  
朱鷹弔古詩曰越子奔遷日鑾旗此暫停斷溝沈古  
月殘壘透疏星浪捲征魂墨風飄戰骨青幾多興廢  
事日暮泣漁舡鎮之北又有城頭村俗訛作橙頭相  
傳爲越王築城於此故名然亦不見於紀載古老相  
傳爲古迹云

鐵菱關在伍臨港口相傳方臘時此爲關隘今野老嘗  
有鍥蒺藜拾得朱鷹伍林懷古詩曰伍林村港口曾  
是設重關月落青鱗現秋高古戍閒鉄菱鋒刺短金  
甲繡痕斑彷彿臨風雨蒼濤白馬還又詩曰荒原遺  
戍壘野水沈蒺藜傳是鐵菱關日暮鷓鴣啼  
超山頂上有二池相傳時出五色氣見沈心孤石山房  
詩集游超山詩注此又搜奇抉異之所未到者然不  
知房仲何所本而云然抑亦聞土人之說而未至其

地歟詩曰翠微昔經眼夙有登眺想雨餘趁春間後  
齒屐一兩細路指野樵确磳穿林上眼邊雲縷橫腳  
底泉脈響皋亭領羣峯屬 成黨茲山巋獨立劔  
倚自雄長危巔攢怪石天影逼高仰窈窕洞壑觀日  
月開虛敞香池氣靈異銀房境蕭爽不遭土木妖元  
神保藜莽青霞性 塵世幾長往搔首臨遠風睇  
髮凌千丈攷也冷洗心兩泉皆在山腹山上汲者取  
之而此池乃在山頂且出雲氣信可補超山之古迹  
而與石筍並傳

小丁山有錢武肅王履跡蓋山頂有石罅二盈尺餘中

唐棲志

雜記  
卷二十

二十四

泛窪水大旱不竭相傳錢王微時足跡所經也其說  
雖誕妄而父老言之鑿鑿有據云張珊林雯詩曰敏  
歆自昔記周朝吳越傳聞跡未消履躡丁山遺踵久  
溜穿磐石厯年遙花開陌上歸宜緩衣錦營中興正  
饒同是錢王當日事好將故蹟問芻蕘韓琴溪應潮  
詩曰發祥負販履重重踏破雲根翠黛濃石鏡衣冠  
原隱約錦城劍佩自雍容一泐不竭巨人跡雙罅長  
留仙掌蹤綠徧小丁山下路錢王遺烈秀靈鍾

葛墩在伍林之西與東塘相近爲晉時葛稚川飛昇之  
處有葛仙祠鄉人奉之惟謹祠側有葛仙橋葛仙墓



其地山川幽曠林木翳翳實棲真之所也居民環村而居可饒者比戶其村俗稱爲葛仙城雖經大亂烽燹不擾豈亦仙翁之故澤遺愛耶

奉口之名最古何春渚志畧記奉口戰場事及元夷白齋稿鳳口詩而不僅此也唐宋人曾詠及之白香山集汎小艫二首詩云船緩進水平流一莖竹篙別船尾兩幅青幕覆船頭亞竹亂藤多照岸如從鳳口到湖州又郎瑛七修類藁賈涉在鳳口遇洗衣婦人挑而從之遂生似道宋樓鑰攻媿集有奉口遇雨詩曰七月欲盡八月初天久不雨暑未徂下田焦枯上田

稿愁嘆不止田間夫嘔啞水車日夜響漕河揚塵成坦途喜見此溪深且廣元雲忽起西北隅林間槭槭水漚起兩岸人物歡欲呼未聞滂沱潤龜坼且使萬物聊沾濡船窗飄灑疎篷漏客意自適涼襟裾引身東望雲氣薄未知帝城有此無傳聞今日方奏告便有響應來斯須人家百萬苦炎熇君王齋禱幾月餘君王齋禱幾月餘雲師雨師其疾驅元宣城貢奎雲林集有宿奉口會九萬兄詩曰扁舟下滄浪日莫浮雲散青山袞袞隨十里行不斷古厓絕人烟艤纜臨絕巘誰知兄弟情邂逅忽相見篙師輕波瀾呼嘯驚

夜半貪程慮涉險欲往還自算推篷視天宇白露下  
凌亂眾星亦已没落月破微暗念此局促身倏然重  
重歎夫以奉口之地而唐宋元人皆有題詠實爲錢  
塘至湖州之要道非若今之僻處鎮西北隅爲舟車  
不常過之地也所尤奇者里人夏容伯語予曰咸豐  
庚申以前有丁奉碑在奉口對面山北小澗內橫作  
小橋以通行路碑字爲漢前將軍丁奉之碑俯撲澗  
中惟軍丁奉之四字探手可按攷丁奉碑爲西漢第  
一石金石家有舊搨本且珍藏之而不知其原碑乃  
在奉口也今經兵燹過其地訪之不復見矣或如陳  
倉石鼓權作米曰尙在人間乎惜哉奉口之偶或以  
丁奉墓而名亦未可知

仲墅在金佛寺之西里許相傳南宋時有仲氏兄弟素  
雄於貲開市於此貿易成集因睦州方臘之亂有部  
將某屯落山索餉於仲仲不應遂統兵勦之無噍類  
惟一老嫗抱一子尙襁褓遁之遠所得免寇平復業  
遂捨宅爲道院名曰眞福宮宋宣和間事也今其地  
橋闌水柵儼然有故墟之迹焉明初建預備倉永樂  
三年知縣彭奎建四倉其一在仲墅村時有詩人平  
仲微居此松雨軒集中有句曰長揖侯門歸仲墅松

隱記曰永樂丙戌始抵仲墅拜先隴於洛山之下可證也令其傍村曰平宅聚族而居皆平姓

獨山之北有村曰橫里村人以梅畦爲田花時一望如雪周讓谷有詩曰試上獨山山頂望村村香雪壓簷齊自注云近日橫里獨山村人以種梅爲業花開彌覆十餘里厲樊謝有舟過橫里懷平松雨先生故居詩曰出門天宇淨暖風吹我衣片帆一何駛沙燕相隨飛不斷故鄉山新綠初生肥謝村已回首仲墅望依依寬漾十二里中有詩人扉幽棲如此少遠戍竟爾違桑陰看浴蠶草舍聞呼豨當從田父飲莫嘆季

女饑自注云平仲微故居北關外之橫里地有仲墅洛山不知松雨先生所居實在仲墅非橫里也仲墅有村曰平宅皆平姓聚族而居松雨之裔也仲墅在大河之西南橫里在大河之東北故松雨集中句云萬頃水雲橫里北指隔河而言惟隔河故有萬頃水雲耳非竟居橫里也大河中流行舟而過村曰橫里不辨其岸之南北耳然鄒志初墨稼穡齋十二里漾詩曰藕花官漾接通津水竹人家迴絕塵十二里中來往熟不知中有古詩人注云明平仲微故居在此地一名橫里或者河之兩岸傍涯而居者皆爲橫里

歟魏成憲清愛堂集有夜泊橫里大雪詩曰冰膠櫓  
聲澀月淡林影微官漾十二里風力加寒威且就仲  
墅泊一葉蘆之碕漁燈搖數點雲絮匝四圍雪花大  
如掌俄焉滿船扉村落不知夜驚起沙鷗飛人懷松  
雨往春助梅格肥此景同泛剡但少綠蓑衣亦自注  
云明平仲微杭州人居北關外之橫里地有仲墅及  
十二里漾亦以隔河之仲墅橫里併爲一談蓋詩人  
吟咏原不求深攷也橫里一名橫溪詳山水志

盤楊村距唐棲之南四五里或作蟠楊又作蟠羊張半  
庵曰水村烟樹岸柳汀蒲一小武陵也地宜果多枇

唐棲志

雜記  
卷二十一

二十八

杷周天度詩云別有好山遮一角樹陰濃罩枇杷青  
注曰盤羊多果樹惟枇杷冬夏不凋有 舟次盤

羊詩曰疎風細雨墮村烟杏子花飛香可憐往事卻  
看千載鶴新詩聊答一聲鶉浮邱道士還歸海峩水  
游鱗不羨天兩岸幾灣楊柳色漁人輕盪畫中船

全漳孤林以丁方伯沈御史胡中丞所居而顯丁氏盛  
於明成化間沈氏胡氏則在隆慶萬曆時三姓鼎盛  
冠蓋相望未及百年巨室園林盡桑田麥隴矣惟胡  
中丞住宅猶有遺跡可尋後嗣聚族而居椎魯不文  
耳予於己丑年以查賑事至唐棲孤林亦在放賑之

列予友容伯夏君往任其事歸語予曰胡中丞第尙有門牆闕閱未盡圯毀者牆爲斜方磨塼合砌甚堅薛荔罩之極黯淡牆內有額曰都憲第兩旁有柱銘曰風雲時入座文獻舊名家又其內一扁曰鵬搏入其旁室有一額曰游淡八分書甚古媚惜暗晦未察其款有一小聯曰年華付詩卷幽意對爐香又一額曰東洛閒意皆名人手筆舊物也四百年來遺迹猶存恐再閱數年消磨殆盡矣故紀之

博陸村距唐樓東三十里其橋梁寺觀成化府志萬厯府志備詳之疑唐樓市未集之前此爲仁德交界處

唐樓志

雜記  
卷二十

二十九

或一大鎮故誌之特詳也村爲忠惠鍾公故里嘗讀陸圻冥報錄有博陸村文學鍾遇哉死而復蘇一事其時鍾梅城爲姑孰太守延遇哉署中閱文得疾而死死而復蘇叙魂魄離合之象厯厯如繪以知國初時鍾氏之姓猶盛也又仁和姚光晉瓶山草堂瑣談云吾鄉博陸村鍾氏明忠惠公裔家設乩一女仙常降與鍾氏弟兄唱和極多句多哀怨嘗記其一聯云嶺上弄花春有影湖邊踏月夜無聲大有鬼趣末署星兒兩字問其故不答後有其女伴來乃詳述之蓋女負色藝貂璫逼之入宮乃抱琵琶自沈於西泠

橋下是本貞烈非風塵中人宜精爽之不散也此係  
康熙初年降乩之事余十三歲時見鍾氏所錄詩卷  
今已遺失鍾亦零落特記其崖畧耳瑣譚所言亦云  
康熙時鍾亦零落矣今至其地詢其士人并不知有  
鍾姓者能無滄桑之感冥報錄遇哉事  
極長今不備錄  
王穉登客越志云嘉靖丙寅五月十六日泊塘棲河廣  
百尺隔河人聲不相聞星橋橫空如白虹沈沈下飲  
波上過塘棲水益濶桑益多魚亦益賤青田白鷺小  
船如瓜葉葉烟波中有豪濮間想望見吳山翠微神  
思翻飛不可復禁

大善寺之無心柏獨樹房之相樹吉祥院之銀杏樹亭  
溪村羅漢寺之怪樹或千餘年或數百年遺植也無  
心柏云爲六朝之物唵嚩法師有賦以張之而游人  
多賦詩焉郭西韋詩曰蒼顏翠質老巖阿飽嚼風霜  
蔓女蘿凡屬有心皆幻相欲空四大問南柯釋紹隆  
石菴詩曰西來祖意如何是大善庭前一樹眞千古  
婆娑空五內趙家指示亦無心王丹麓詩曰萬木樵  
將盡孤標此獨存空心見明月勁節老乾坤鸞鳳終  
經宿虬蟬何處屯蒼寒留古寺神力護朝昏今經兵  
燹寺旣毀廢柏亦無存矣吉祥院之銀杏樹爲萬曆

之初太宰張恭懿手植崇禎癸酉施之標記之極詳  
至道光二十五年五月二十五日夜火忽從樹中出  
枝幹殆盡識者謂大樹千年必遭劫火自焚此其是  
歟亭溪村羅漢寺中之怪樹張行素嘗題詩并序曰  
亭溪羅漢寺古樹壅腫特甚相傳以爲吳越王時所  
植感賦詩詳  
梵刹大善寺獨樹房之相樹大蔭畝詳王伯  
穀篆額曰獨樹齋每陰雨則吐烟暑月則有大蟒蛇  
蜿蜒其上今則寺成荒壤僅山門三椽而寺後之獨  
樹齋僅存其名有僧守之余嘗至其地訪其樹不復  
見矣今薈記之以存古迹云

綠雪堂白杜鵑花張半紘老人所植名流題咏哀然成  
卷石門胡天牧涵爲作序張半庵并輯於景物畧中  
序長不備錄詩詞則摘其尤者郭扶九世澄詩曰應  
憐春意在枝頭不許啼紅動客愁色映間庭迷粉蝶  
光分遠水落輕鷗三更冷月誰爲伴數點明霞擬共  
游爲報蕊珠開未半銜杯笑倚仲宣樓胡天牧詩曰  
杜宇聲消月墮廊晚寒猶剩一枝霜鳥同名字隨人  
喚花褪衣裳別樣妝潘縣未煩青眼盼蜀江浣淨錦  
心腸珠宮應是稱難得今日相看在雪堂沈瀚生武  
抑詩曰三徑初開處土家春風纔放杜鵑花奪將冰

雪憐疎蕊剪就羅紈發異葩玉照憑軒輝夜月奇峰  
當檻映朝霞艸堂不減桃源勝繞屋寒梅漫獨誇翁  
紹掀允贊詩曰根分白帝更幽奇搖落花開蝶未知  
蜀魄空傳皆血淚名園今復有冰姿扶持秋色雲三  
片漏洩春光雪一枝應惹詩人頻着眼斜風細雨也  
相宜卓方水和韻曰卧雪先生本好奇手裁幽樹少  
人知偶從南浦探新句始識西川有異姿古帝魂歸  
傳縞素何郎粉溼上花枝笑他剪綵殊多事綠意紅  
情總不宜王丹麓詩曰三月春光處處流杜鵑開到  
若含愁精魂猶記興亡事血淚啼軋便白頭呂翼令

唐棲志

雜記  
卷二十一

三十二

詩曰一夜春風杜宇哀月明寒色映樓臺數聲玉笛  
江城外錯認梅花落又開柴虎臣詩曰冰姿定出蕊  
珠宮綽約無言對曉風莫更閒愁春欲去祇言杜宇  
不啼紅沈去矜詞調寄惜分飛曰水漲川江人恨別  
卻似淚痕重疊此意真難說杜鵑開徧東風血誰把  
玉容更繡頰一夜鬢絲堪鑷鎔盡肝腸鍊陽春不散  
蛾眉雪吳允哲詞調寄醉花陰曰雨壓欄杆花透不  
似人間繡嬴得月明時一樣嬌容幾瓣梅花湊紅  
殘故把霜華鬪錯認鵑啼口入眼最情多無柰春歸  
魂伴東風瘦



超山看梅韻事也予嘗游焉晴雪霏空團香作海不意  
人世間有此妙境愧不能詩因浩歌張仲甫先生超  
山古梅歌曰超山之下萬重雪雪徑幽尋到山窟四  
山盤紆抱一寺寺前老梅尤奇絕溝塍稜稜花重重  
土氣十年厚蟠結其中古樹數十株兀傲空山忘歲  
月旋天據地恣查牙根如車輪幹如鋏老苔裂作虬  
龍飛迸露肌膚赤於血穿林越徑觀不足各各意態  
雄且傑隨花攜酒坐花間人意花情共蓬勃一株古  
樹拳龍鍾一株怪石立突兀一株老龍蟠空霄一株  
巨靈闢雙闕其餘縱橫盡奇妙萬玉飛騰暗香發此

樹閱歷幾滄桑直從炎漢溯吳越山河南渡久消沈  
冷月黃昏香不歇千歲松鶴千歲仙自古得天在巖  
穴我來花下醉歌狂遐舉欲與塵埃別歸舟一夢醒  
羅浮已覺此身有仙骨又歌其詞曰大河橫碧算幾  
番誤了尋春游櫂路轉玉溪空谷疎烟萬重白千歲  
仙人貌古久忘卻山中年歷但照眼黛骨虬容雲島  
卧枯石香浥翠尊滴愛坐擁樹間醉欹花側蕊珠夢  
迹身化青禽繞林覓尋問滄桑舊事當日有瓊妃曾  
識奈去棹風又引幾時夢得仲甫名應昌錢塘人有  
夔壽軒詩鈔烟波漁唱詞詩爲丙申正月十六日偕

陸子乘游超山而作詞則亦於丙申正月十七日超山觀梅報慈寺側有古梅數十株七八百年物也坐酌花下暮歸宿湖墅而作丙申爲道光十六年距今五十四年今則古梅爲俗僧作薪無復存矣惜哉

超山之海雲洞及丁山湖已詳志山水矣今檢詩集復於龍洞得明張通參震詩於丁山湖得魏成憲詩並補錄焉張震號石川詩見張通參集題唐棲丁氏超山龍洞曰青霞開福地俯瞰卧龍淵窳篠苔封石道遙洞有天水空山欲墮雲動日如懸坐石渾無語詩成熟與傳魏詩見清愛堂集詩曰丁山湖上水風清宛轉菱歌處處聲猶憶髫年隨杖履舊題詩似隔三生自注云余年十三隨先大夫就醫唐棲高石生太守招游丁山湖卽席命余賦詩有句云玲瓏橘樹層層岸宛轉菱歌處處聲太守大加擊賞

唐棲淨土庵住持補庵和尚之徒祖葉嘗於桐溪水中得一物堅如石重如金諦視之佛牙也冒風雨載歸補庵見之色喜乞白岳弟子作佛牙記并讚頌焉記中云牙廣寸許厚八九分長二寸餘光如墨中有凹似入火而不灰者旁分豎二文理如兩小骨坳生狀色獨黃白可愛由根透頂光瑩如玉而咀嚼坎穿處

率深黑堅光旋文累累其寶氣又彷彿蒼碧玉記文  
讚辭極爲推重而淨土庵之佛牙遂傳說於時然予  
竊疑之寺中藏有佛牙如靈巖及金陵之報恩寺皆  
有之七修類藁云西湖法相寺藏一異齒其大如拳  
正碧綠色透明山僧云是佛牙其狀如盤牙想是西  
域異獸口中者又五代史云有僧游西域得佛牙以  
獻明宗以示大臣趙鳳云世傳佛牙水火不能傷請  
驗其眞僞因以斧斫之應手而碎是時官中施物已  
及數千因鳳碎之乃止然則所謂佛牙者自古多僞  
彼法中固信重之而文人好奇亦喜爲之傳會作記

作讚以表揚之耶然無論眞僞亦棲里中一故事也  
今淨土庵已成空壤佛牙又不知埋沒何地矣白岳  
弟子不知何人或卽徐野君士俊云

張半庵記河珠云溪河俱產每遇暑旱菱湖人采珠者  
成羣鼓棹探水取之大者徑寸細者分釐色有赤者  
玄者絜白而光瑩者價十倍於廣東予竊疑唐棲非  
產珠地詢之里人亦無之豈合浦之珠今且遠徙乎  
意者水鄉多產螺蚌蚌中往往得珠然甚細如米粒  
安所得徑寸者惟陸郭港北陸宅漾有巨蚌孕珠每  
里中有科甲則放光爲瑞人有欲得之者遇腥水着

身如墨往往致命亦頗害焉卓珂月有諭珠蚌檄曰  
嗟乎爾蚌具絕世之珍而湮沒于此中吾爲爾惜之  
也不能自弢其光時出而夸耀村壤吾爲爾危之也  
誰實使水上之人不能忘情於爾而爾復盛氣以待  
之吾爲爾危之也將爲伏橋之蛟乎安知不觸周處  
之刀乎將爲古墓之寶器乎安知不遇波斯之發棺  
乎自以爲曳尾之神龜而無患乎安知無諸葛元遜  
之人乎枯桑不得而漬子乎自以爲千里之猛而莫  
予破乎安知無張茂先其人乎華表不得而燭子乎  
嗟乎爾蚌然則曷爲不去也學水者歸于淵學仙者

歸於海上之山子何不飛於珠浦宿於海瀾而何樂  
久居此也橋之下岸石束汝身舟楫勞汝魂窪水沙  
礫窘汝遊衍塵囂曹沓蔽汝見聞而亦何樂而久居  
此也抑力未至而未能去也則吾所謂可危者益信  
矣龍不隱鱗鳳不匿羽豈畧且將議其後焉而況於  
子然則或欲於此自見其奇耶恐去此而不免爲白  
豕之人遼耶則子之癡也名根未除也力不能去而  
與其見殘于人如何獻之明廷而爲衣繡之犧心不  
欲名實未加而去則與其徒驚俗人何如出其寶于  
世而爲卞氏之璞然則子其聆是言而能晞然吐其

腹中之異以示余乎此亦何異寶母之歸魏生而八寶之授真如也嗟乎爾之數者君其何處焉語有之不然鳴珂遊帝都不然絕粒升天衢不富不貴而復不去仁智之所不存也嗟乎爾蟀余之爲子策者止此矣其以余言爲是耶或否耶蟀而有靈當必能影響以報余如其不靈亦復何足與言余去矣卓珂月撰此檄見蟾臺集中按巨蟀放光西湖亦有星月之夜寶光燭天炳璘五色茲港之光亦猶是也科甲之說特偶然耳

沈士鏞云庚子夏日棲水東偏地遺虎跡里人怪之余

唐棲志

雜記  
卷二十一

三十七

乃作市虎行余竊疑之當明祚之移唐棲未罹兵革市者不止耕者不變蕃盛之區安有虎迹且庚子爲順治十七年承平之世意沈詩之作有所諷刺非真虎也及觀於湖壩雜記有超山誌虎一節在順治十八年始知沈詩固非虛語超山距市不及十里暮夜覓食偶至市東理或有之沈詩云虎不在山不在林炙人肌肉啗人心腥風上滾白日黑怒牙慘沈天地色閭巷嚼嚙靡子遺陰鬼啼冤附荆棘誰能招搖市上來眾虎議築金銀臺嘆女皮骨應有盡敢向深穴聊徘徊自昔苛政猛於虎虎跳長街人未苦儒服官

紳總戾蟲卞莊袖手還東魯莫言此跡虎所爲人心  
乖氣印茲土湖壩雜志云超山在皋亭山北山不深  
而穴虎順治十八年冬月有僧聞虎嘯欲拽杖伏之  
竟爲所噬其徒延虎師捕虎師江右人捕虎有年矣  
初造阱卽知當獲七虎每獲一虎鄉人贈之以金其  
法以羊置阱中鳴以相誘煮青螺斗許徧撒山隅虎  
至俛鬼導之俛見螺貪剔螺肉忘爲虎護虎遂孤行  
卽誤入阱虎師遂束之以歸蓋僧之隔山遙望所見  
如此越月師云今日當獲第七虎矣鄉人益以金縱  
步往視虎在阱中大吼一聲猛如霹靂忽阱外二伏

虎自草中起各啣師一足中裂其體而去夫擒虎乃  
祛害也虎宜不能與師讐而卒爲之害者意者有祛  
害之心而因之以爲利歟吁嗟虎師知虎之死於阱  
內不知已亦殉於阱外也

丁山湖民以養魚爲業所重者鯖魚種雖多勿重也唐  
棲水鄉數十里內蕩漾溪河漁者尤夥天寒水涸竭  
澤而漁薛堯卿有唐棲觀捕魚歌曰塘棲倚櫂觀取  
魚漁師趨捷如獵師插竹編箔爲周陸意在竭澤無  
遺餘邪幅蔽膝施籬篠回橈鼓柁同飛車刑摸胸瘡  
髮不梳左右兩翼夾啟胫戟鉤弩括紛騰挈木擁槍

纍如儲胥狙公以智籠羣狙白龍魚服困豫且淘河  
鵝鶻雜舂鉏攪觸清瀋成黃淤就船買得供飲儲拍  
手大笑相軒渠胸吞青邱雲夢瀦惜無羽獵賦子虛  
結繩代畧思古初庖犧燧人如畋漁網目四寸恢而  
疎魚不滿尺市不粥仰首於邑爲長吁薛堯卿名章  
憲江陰隱士著有薛浮休集

嘉靖間唐棲築城之議創於撫按王公時值倭警猶咸  
豐六年之粵匪逼近議營伍林頭也方九叙麓西襍  
言云昔癸丑歲海寇勢日猖熾撫按王公忬下令議  
城唐棲其費半出官帑半取之鎮之巨室蓋爲之保

衛室家卽有所供辦非厲之也昧者一時靳於捐貲  
羣託士大夫陳不便於按院從中阻之王竟不能持  
長計而止及後乙卯鎮罹焚掠各戶所喪資蓄不啻  
倍蓰於建城之費矣夫杭人米囤塘棲每歲數十萬  
石唐棲有城可守則省城不慮艱食又相近諸鄉之  
民得趨而避寇寇野掠無地將不久宵遁此旣一利  
矣又唐棲有城則一傳警報卽可戍守省城南北相  
望屹然金湯並峙犄角相依非拱衛長算耶卽保唐  
棲又保會省蓋一舉而兩得者也良圖撓抑追思可  
爲扼腕予竊謂築城談何容易旣城矣必設官豈徒

板築費哉况未必可守乎以爲囤糧地歟上下有一  
壩之隔轉運匪易倘賊以一軍營北新橋則中途隔  
絕以爲犄角地歟鎮西北有奉口大道鎮東南有臨  
平大道皆用兵必由之路賊或分兩路以撲省城而  
唐棲居中爲窪下地將不戰而潰矣前事卽後事之  
鑒元師之入浙也至皋亭而臨安不守 王師之  
至携李也潞藩究不能據唐棲敵樓以拒卽咸豐間  
粵匪兩次撲陷省城皆不由唐棲我師之克復也亦  
不由唐棲迨後省城克而湖郡尙爲賊巢其時由省  
調兵往攻皆由奉口長驅居唐棲者不見一兵一卒

唐棲志

雜記  
卷二十

四十

蓋唐棲爲承平時貿易之地而非用兵時戰守之區  
特由石門而來肆其抄掠則唐棲首受其害前明倭  
寇猝至或有城以遏之應不致勢如破竹耳必以爲  
要隘而城之恐未必然也

至正十六年楊完者遣蔣英從大麻唐棲進兵

樂郊私  
語時

張士誠  
據杭州

嘉靖乙卯海寇焚掠唐棲

方九敘麓西雜言萬歷府  
志云嘉靖春正月倭寇海甯

破石鎮遂寇仁和塘棲賊酋徐海引倭數萬掠唐  
棲撫臣慮奔突至省下令閉各門六月賊自唐棲  
至北關直抵武林門擄掠殆盡沿途放火分劫鄉村  
市鎮燔燬一空殺戮之慘遍於郊野家無寸兵一矢  
之禦自五月晦日至六月六日滿載而去城中萬  
室傍徨官司惟閉門謹守而已皆見萬歷府志



萬曆三年湖盜夥起駕船數十隻南自謝村北至唐樓  
橫肆劫掠旁及鄉村民不安枕提督軍門徐枋設兵  
船十隻分地防守於是商旅舟行賴以無阻見萬曆  
府志

順治二年六月十三日

王師過樓上囊弓橐矢秋毫無犯

咸豐十年庚申七月二十八日粵賊自石門來寇唐樓

焚掠村市

時省城已於二月間失守不五日而克復  
後惟閉城固守至次年辛酉復陷於賊唐  
樓自庚申七月遭賊蹂躪無  
固守者遂爲粵賊來往之所

黃鳴俊武林紀畧捕盜事宜

唐樓志

雜記  
卷二十

四十一

一北關運東西三河每河舊設循環籌二枝水利廳哨  
單一紙每日酉時傳籌兵健於該廳領籌並單如運  
河由三里洋逐埠遞換次早寅時傳至大麻收籌本  
日戌時由大麻領籌傳起限以子時赴下塘巡司取  
獲印蓋寅時至三里洋收籌東西二河亦照前項時  
刻傳收三六九日傳籌兵健填單齎籌赴水利廳回  
風倒換稟報地方有無失事季終彙繳本道查考後  
因下塘巡司裁革止將哨單照例回風繳換及查廳  
給原單紙不盈尺內只填傳到日期其地方有無失  
事及捕兵有無偷安並未開載殊屬虛文且廳胥怠

弛總哨藐玩後遂寢閣不行今議每河照前設備循  
環籌二枝另刊哨單前列捕舵兵姓名令自行花押  
以驗正身在船與否後開地方有無失事汎兵曾否  
救援卽於本道衙門給發每河循環單各一紙責令  
傳籌兵健逐埠親遞督同花押填註如有不到代押  
隱匿失事飾報救援者查出責革連坐其運河籌至  
大麻倒換傳籌兵健須取本汎捕舵收籌發籌日時  
呈報東西倒換如之仍照前三六九日赴道回風換  
給以憑查考

一北關運東西三河支港太多賊船難防舊各設有水  
柵並設柵夫看守啓閉本道近閱案冊犁然俱備至  
行縣詰以原柵存否柵夫姓名虛實概不置對一味  
沈閣今宜着里總詳查原柵廢者復之壞者修之其  
柵夫有無工食或逐家輸役或照戶派精必商確可  
行以圖永久

北關運河傳籌單式

北關傳籌兵健某某今奉

憲令傳籌會哨查探本關運河地方自某某月某某日某某時  
起至某某日某某時止

三里洋捕盜兵兵兵兵兵兵兵兵兵

謝村

捕盜  
挖兵

同上

義橋

同上

洋口

同上

十二里洋

同上

鴨闌橋

同上

總管堂

同上

五林港

同上

塘棲鎮

同上

花園橋

同上

百腳港

同上

唐棲志

雜記  
卷二十

四十三

落瓜港

同上

五杭埠

同上

北陸埠

同上

大麻埠

同上

某月

某日

某時

某埠

或客船或附岸居民被盜行劫

有無傷人本汛捕兵有無救應追拿開後

崇禎

某年

某月

某日

給

限每月逢三六九日籌單並繳倒換

北關東河傳籌單式如前

皋亭

捕盜  
舵兵

兵

兵

兵

兵

兵

兵

兵

赤岸 同上

寶莊 同上

吳家壩 同上

北關西河傳籌單式如前

清水港 捕盜 舵兵 兵 兵 兵 兵 兵

女兒橋 同上

板橋 同上

良犬 同上

奉口 同上

十字洋 同上

唐棲志

雜記  
卷二十

四十四

下塘寨在縣東三十里介於仁和德清之間宋紹興間  
兩浙安撫司奏請創設寨官俾司巡禦以德清縣下  
塘巡檢為之凡置兵卒六十人即下塘巡檢司是也  
明奉裁

五林關寨在杭州界口唐棲有順德橋柵庫橋柵  
向有上塘巡檢在塘棲大善寺之西常平倉之側一在  
十六都下塘俱於明初奉裁今併歸新市鎮以上皆  
見康熙德清志

唐棲志畧一書乾隆府志引之然細審所引者非何春  
渚所輯之志畧也今其書已佚撰人姓名亦復不傳

唐棲耆舊集所輯皆前明及國初時人府志引之杭郡詩輯引之而其書亦不傳豈當時尙未梓行僅傳抄本歟或云胡休復亂嘉所輯

張超微半庵先生所輯棲里景物畧搜采旣博筆亦雅馴惟所引事實不注原書此猶沿明人習分卷十二而傳經堂記序詩文多至一卷吳柏舟題辭佩蘭集題辭亦至一卷橫潭詩集亦幾一卷似非志乘體裁蓋搜采已畢猶待編纂觀其與楚君書可知矣書曰弟向思作西里志因卷帙繁多難以卒業見沈子虛谷苕溪詩話深喜簡潔之中獨饒幽趣竊欲倣而行

之正如倪迂山川圖寸幅中具雲烟溪壑鳥樹橋梁披閱之餘自令人可愛不必定崇山峻嶺長江巨河樓閣舟車人物悉備乃始爲佳也先生以爲然否第編次冗雜貴精核又貴詳核叙列古今人景物詩甚費匠心布置弟才短拙甘居裨諶之班其修飾討論潤色之功非先生其誰與歸橫潭幽寂頗堪靜坐焚香煮茗函丈地當與君共之况棲遲無幾又將赴北墅諸公約矣晚來漁火曉聽禽言孺子榻可常設也幸祈惠我勿我遐棄

曹菽園棲水文乘與周遜庵棲乘類編其筆墨遠不如

半庵何春渚曰周曹兩家不如張氏之善卽其分類繁冗駁雜筆亦骯髒近俗意復厭之誠哉何氏之言予亦不能爲前人諱然自康熙以後搜采事實亦關掌故誰謂非記輯之力哉史家三長自古難矣

何春渚所輯唐棲志畧取材棲乘類編其半庵所輯之景物畧未及見也寥寥數十葉筆甚簡潔而一鎮掌故仍病闕如此董浦太史所以有微辭也嘗與之書曰出關棲水爲必由之地大小丁山皆几案間物出則雲樹蒼茫有離別可憐之色歸則井邑團聚有迎門笑語之歡某無下撰之田又少清漳之宅欲卜居

焉不得也承示志畧雖地志之別乘風雅之外編而宗鄴元之簡致柳州之潔洵乎其爲風人之作也但列厲公而不及土著則足下特自便其提鉛問俗之計而不爲徵文考獻地也勝國以前吾未盡悉卓去病沈無回之經術胡休復卓珂月之文章皆逢陽九百六之會棲遲一隅名不大顯卓沈胡皆有墓志珂月有蒞淵集可據而采也遺民徐孝先家唐棲之落瓜堰世貴族偁落瓜徐氏見錢塘馮景山公所撰傳而其父灝故崇禎甲戌進士灝不知其行事落瓜在棲境內豈無攷歟錢孺人名蕢字淑儀錢塘人侍讀

卓彞之子婦孝廉麟異之妻武康韋六象爲其行狀  
姚江黃梨洲爲其墓志見南雷文定三集中卓珂月  
繼配某氏矢水霜之節被崇門綽楔之旌郡縣豈無  
傳乎亟宜表章之南屏讓師曾主大善寺吾嘗親仰  
其方丈歲月不深規模粗具則方外之踪不可沒也  
傳經之堂耿巖竹垞記之漁洋詩之雖卓氏之箕裘  
實鄉邦之圭臬也火傳名字不挂於志中豈非憾事  
乎楊太守汝梗字工求周州牧天度字讓谷皆從進  
士起家工求跡弛奇士必有循聲讓谷詩筆兼工中  
多撐霆裂月之作所患不求遺稿恐終湮沒闡幽顯

微政在斯時搜羅不可不急也嗚呼吾邑志之不修  
近百年百年以外之人物其湮沒也前志任之百年  
以內之人物其不傳則吾與二三子之責唐樓一隅  
之地其不傳則棲水諸君子任之足下爲志畧遺之  
舍足下其誰責哉據足下云棲乘類編乃近人周逸  
民所作棲里景物畧爲張半庵輯棲水文乘爲曹菽  
園輯皆里中耆宿也逸民半庵菽園其名與字可得  
聞耶隱耶顯耶存耶沒耶不得而知也夫傳不必其  
大也工匠之巧銘勒姓名碾刻之微詳識年月人苟  
無他表見而能於鄉里墜言遺事載筆載言不辭勤

粹是卽其事功與箸述豈在大哉周張曹三君子足下以其土著而傳之後人據斯例卽以寓公傳足下無不可也惓惓之望希勉力副之觀太史此書似有不足於東甬者

韓生江有續補志畧之輯實則仍棲乘類編之舊而無所攷訂抄本四冊已缺其一夏容伯以示予予畧采之於乾嘉時事或有增輯者而惜於棲里人物未增一傳豈乾隆嘉慶時若周讓谷刺史與其子二南暨張雪濤宋茗香喬梓姚寶田高畫岑以及永泰勞氏昆仲未嘗無著作以傳於時而不一及焉則信乎考輯之難也生江此書輯於咸豐間故於兵燹時祠廟寺觀之存燬亦畧記一二云